



# Pab Txhawb Kev Sib Koom Tes Kev Tuaj Nyob Tshiab thiab Kev Hloov Pauv (SETS)

## KEV HLOOV PAUV RAU COV KEV PAB CUAM VIM TUS KAB MOB COVID-19

Kev pab txhawb nyob rau hauv Txoj Haujlwm Pab Txhawb Kev Sib Koom Tes Kev Tuaj Nyob Tshiab thiab Kev Hloov Pauv muaj mus ntxiv rau cov neeg siv thaum lub caij muaj kev huaj vam ntawm tus kab mob COVID-19. Txawm li cas los xij, txoj hau kev muab cov kev pabcuam tej zaum yuav hloov mus raws li cov lus qhia txog fab kev noj qab haus huv.

Tam sim no, ntau tus neeg muab kev pabcuam tau pabcuam rau cov neeg siv nyob rau hauv kev hu xov tooj lossis hauv online. Hauv qee qhov xwm txheej, cov neeg muab kev pabcuam tuaj yeem sib ntsib nrog cov neeg siv tim ntsej tim muag rau cov teeb meem maj rawm lossis yog tias tsis tuaj yeem muab tau cov kev pabcuam hauv online.

Cov neeg muab kev pabcuam muaj kev nkag tau mus rau cov kev pab txhais lus hauv xov tooj rau cov neeg siv uas tsis txawj lus Askiv zoo.

Kawm paub txog tus kab mob **COVID-19 thiab nws cov tsos mob.**

## Qhov Kev Pab Cuam SETS yog dab tsi?

Pab Txhawb Kev Sib Koom Tes Kev Tuaj Nyob Tshiab thiab Kev Hloov Pauv (SETS) yog txoj kev pab cuam hauv lub teb chaws los daws teeb meem kev tuaj nyob tshiab uas xav tau ntawm cov neeg tsiv teb tsaws chaw uas tsim nyog. Txoj haujlwm no muaj lub hom phiaj txhawm rau txhim kho kev koom tes hauv fab kev lag luam thiab kev khwv nyiaj xtiag thiab pab kom muaj kev sib koom ntes nrog lub zej zog.

Qhov kev pab cuam no muaj ob yam xws li:

- *SETS – Cov Kev Pabcuam Tus Neeg Siv* muab cov ntaub ntawv ntsig txog kev tuaj nyob tshiab, cov lus qhia, kev txhawb nqa, thiab kev pab kom nkag tau mus siv cov kev pab cuam uas cuam tshuam rau cov neeg siv.
- *SETS – Kev Tsim Lub Zej Zog Lub Peev Xwm* pab lub zej zog tshiab thiab cov pab pawg tshiab thiab cov koom haum los pab txhawb lawv cov zej zog kom ntseeg tau tias tau txais cov xtiag ntsig kev tuaj nyob tshiab zoo mus rau lub sijhawm ntev.

## SETS muab cov kev pab cuam dab tsi?

SETS cov neeg muab kev pab cuam tuaj yeem pab koj los ntawm muab cov ntaub ntawv thiab cov lus qhia txog ntau yam teeb meem suav nrog kev kawm thiab kev cob qhia, ua kom yooj yim rau kev kawm lus Askiv thiab nkag mus rau cov kev pabcuam fab lus, kev ua haujlwm, vaj tsev nyob, kev noj qab haus huv thiab kev nyob zoo, kev txhawb nqa tsev neeg thiab kev sib raug zoo, kev thauj mus los, kev koom tes nrog pej xeem thiab teeb meem kev cai lij choj.

Cov hom kev ua hauj lwm ub no muaj xws li, piv txwv, cov koom haum hauj lwm ua tom tsev, cov kev qhia kev txawj tsav tsheb, cov poj niam txoj kev noj qab haus huv thiab kev paub txog cov pab pawg, cov sij hawm zoo rau kev los xyaum sib tham lus Askiv, cov kev kawm npaj kev ua haujlwm suav nrog kev nrhiav haujlwm nyob hauv teb chaws Australia, kev txawj fab kev xam phaj thiab kev sau daim ntawv qhia txog tus kheej rau thov hauj lwm.

Kuj tseem tuaj yeem muab qhov kev pab rau cov pab pawg hauv zej zos thiab cov thawj coj hauv zej zog kom pab koj los pab tau cov tswv cuab hauv koj lub zej zog.

Cov Neeg Muab Kev Pab kuj tseem tuaj yeem xa koj mus rau lwm cov kev pab cuam los pabcuam rau txhua yam teeb meem koj muaj.

## **Kuv puas tsim nyog tau txais cov kev pab?**

SETS - Tus Neeg Siv Cov Kev Pabcuam cov haujlwm ua ub no raug muab rau cov neeg tsiv teb tsaws chaw hauv lawv thawj tsib xyoos ntawm kev ua lub neej nyob hauv teb chaws Australia nyob rau hauv cov pawg hauv qab no:

- cov neeg nkag teb chaws pab tib neeg
- tsev neeg tsiv teb tsaws chaw uas paub lus Askiv tsis txaus
- cov neeg nyob hauv kev saib xyuas ntawm cov neeg tsiv teb tsaws chaw kawm kev paub uas nyob deb nroog thiab thaj chaw uas tsis paub lus Askiv zoo txaus
- cov neeg nyob hauv ib ntus uas raug xaiv (Daim ntawv nkag teb chaws Kev Sib Yuav Uas Yuav Muaj Tom Ntej thiab Tus Khub Ib Ntus thiab lawv cov me nyuam) nyob deb nroog thiab thaj chaw uas tsis paub lus Askiv zoo txaus.

SETS – Kev Tsim Lub Zej Zog Lub Peev Xwm muaj lub hom phiaj rau yam tshiab thiab pab pawg cov haiv neeg tshwj xeeb:

- cov zej zog, cov thawj coj hauv zej zog thiab cov sawv cev ntawm lub zej zog, thiab
- cov koom haum uas muaj cov tuam txhab muaj peev xwm tsawg.

## **Kuv yuav nrhiav kom paub ntau ntxiv hais txog SETS cov kev pab cuam tau li cas?**

Txhawm rau nrhiav SETS cov chaw muab kev pab hauv koj thaj chaw thov mus [ntawm no](#) thiab qhib qhov txuas no rau daim ntawv teev Cov Neeg Muab Kev Pab. Thaum koj nrhiav tau ib tus neeg muab kev pab nyob hauv koj thaj tsam lawm, thov tshawb hauv is taws nem rau tus muab kev pab lub vas sab.SETS cov neeg muab kev pabcuam yuav muaj cov ntaub ntawv qhia yuav ua li cas thiaj li hu tau zoo tshaj plaws rau lawv nyob hauv lub vev xaib.